



## O'ZBEKISTON RESPUBLIKASI PREZIDENTINING FARMONI

2020 yil «18» август

№ПФ-6042

### **Республикада экспорт ва инвестиция салоҳиятини янада ривожлантиришга оид қўшимча чора-тадбирлар тўғрисида**

Экспорт салоҳиятини янада кенгайтириш, инвестиция дастурлари га киритилган лойиҳалар, халқаро молия институтлари ва хорижий ҳукумат молия ташкилотлари иштирокидаги инвестиция лойиҳалари ҳамда олий даражадаги ташрифлар давомида имзоланган ҳужжатларни амалга ошириш бўйича “йўл ҳариталари”га киритилган тадбирларнинг ижросини ўз вақтида ва сифатли таъминлаш, илм-фан ва инновация ютуқларни кенг жорий этган ҳолда ҳудудларда “саноат кластерлари”ни ташкил этиш мақсадида:

1. Экспорт ва инвестицияларни ривожлантириш масалалари бўйича **Ҳукумат комиссияси** (кейинги ўринларда - Ҳукумат комиссияси) 1-иловага мувофиқ янгиланган таркибда тасдиқлансин.

2. Қўйидагилар Ҳукумат комиссиясининг асосий вазифалари этиб белгилансин:

#### **а) экспорт салоҳиятини ривожлантириш масалалари бўйича:**

экспорт прогноз параметрларининг бажарилишини доимий равишда мониторинг қилиш, шунингдек келгуси йиллар учун экспорт прогнозини шакллантириш ишларини ташкил этиш;

худудлар ва тармоқ экспорт салоҳиятининг ўсиши ва сафарбар этилишига тўсқинлик қиласиган жорий ва тизимли муаммоларни аниқлаш;

нобарқарор ташқи конъюнктура, шунингдек янги турдаги халқаро таҳдид ва хатарлар (коронавирус пандемияси каби) шароитида мамлакатнинг экспорт қилиш салоҳиятини ривожлантириш;

экспорт фаолиятини амалга оширишда аниқланган муаммоларни ўрганиб, зарур ҳолларда жойида бартараф этиш чораларини кўриш;

экспорт салоҳиятини янада кенгайтириш бўйича амалий, шу жумладан қонунчиликка тегишли ўзгартиришлар киритиш бўйича таклифлар ишлаб чиқиш;

**б) инвестиция лойиҳаларининг самарали амалга оширилишини таъминлаш масалалари бўйича:**

давлат инвестицияларини бошқариш тизимини такомиллаштирган ҳолда инвестиция дастурлари ва марказлашган инвестициялар ҳисобидан амалга ошириладиган лойиҳаларни шакллантириш ҳамда ўз вақтида ва самарали амалга оширилишини ташкил этиш;

инвестициялар, шу жумладан хорижий инвестициялар иштирокидаги инвестиция лойиҳаларининг амалга оширилишини мониторинг қилиш ҳамда инвестиция оқимининг ўсиши ва уларнинг жалб этилишига тўсқинлик қиласидаган жорий ва тизимли муаммоларни аниқлаш;

инвестиция дастурлари ва тармоқлар йўналиши доирасида инвестицияларнинг ўзлаштирилиши ва лойиҳаларнинг амалга оширилиши ҳолатини ўрганиш ҳамда вужудга келаётган муаммоларни, шу жумладан жойида бартараф этиш чораларини кўриш;

инвестиция лойиҳалари, шу жумладан халқаро молия институтлари ва хорижий хукумат молия ташкилотлари билан келишиладиган кўп йиллик ҳамкорлик дастурлари ва стратегияларини тақдим этиш, улар иштирокидаги лойиҳаларни ишлаб чиқиш ва амалга ошириш учун масъул вазирликлар, идоралар ва лойиҳаларни амалга ошириш гуруҳларининг ҳисботларини эшитиш, шунингдек ушбу лойиҳаларнинг ўз вақтида ишлаб чиқилиши ва самарали амалга оширилишини таъминлаш чора-тадбирларини ишлаб чиқиш;

**в) ҳудудларда саноат кластерларини ташкил этиш ва ишлаб чиқаришни маҳаллийлаштириш бўйича:**

республика ҳудудларида саноатни жадал ривожлантириш ҳамда илм-фан, инновация, лойиҳа, молия, инжиниринг ва инвестиция ташкилотларини қамраб олган “саноат кластерлари”ни ташкил этиш;

маҳаллий хомашё ҳамда материаллардан самарали фойдаланиш асосида қўшимча қиймат занжирини яратишни таъминлайдиган инвестиция лойиҳаларини амалга оширишга кўмаклашиш;

**г) олий даражадаги ташрифлар давомида имзоланган ҳужжатларни амалга ошириш юзасидан тасдиқланган “йўл хариталари” бўйича:**

“йўл хариталари”да назарда тутилган тадбирлар, шу жумладан экспорт келишувларининг тўлақонли бажарилиши ҳамда инвестиция лойиҳаларини ўз вақтида амалга оширилиши устидан қатъий назорат ўрнатиш;

“йўл хариталари”да назарда тутилган тадбирларнинг вазирликлар, идоралар, маҳаллий ижро этувчи ҳокимият органлари ва бошқа ташкилотлар томонидан ўз вақтида ҳамда самарали ижро этилишини таъминлаш, тўсқинлик қилувчи омилларни аниқлаб, уларни бартараф этиш;

вазирликлар, идоралар, маҳаллий ижро этувчи ҳокимият органлари ва бошқа ташкилотлар томонидан “йўл хариталари”да назарда тутилган тадбирларнинг ижро этилишида сунъий равишда чўзиш ва сансалорлик ҳолатларига йўл қўймаслик чораларини кўриш.

### 3. Белгилансинки:

а) Ҳукумат комиссияси Ўзбекистон Республикаси Президентининг республика худудларига ташрифлари якунлари бўйича қабул қилинган баённома топшириқларининг экспорт, инвестициялар, ҳудудий саноатни ривожлантириш ва ишлаб чиқаришни маҳаллийлаштириш ҳамда бошқа ташқи иқтисодий алоқалар соҳасидаги қисмининг ижросини таъминлайди;

### б) Ҳукумат комиссиясининг Ишчи органлари:

экспорт салоҳиятини янада кенгайтириш, инвестиция лойиҳаларининг самарали амалга оширилишини таъминлаш масалалари бўйича – **Вазирлар Маҳкамасининг Инвестициялар, экспортни қўллаб-қувватлаш ва ташқи иқтисодий алоқалар масалалари котибияти;**

худудий саноатни ривожлантириш ва ишлаб чиқаришни маҳаллийлаштириш масалалари бўйича – **Вазирлар Маҳкамасининг Саноат ва унинг базавий тармоқларини ҳамда кооперация алоқаларини ривожлантириш масалалари департаменти ҳисобланади.**

### 4. Ҳукумат комиссиясига (С. Умурзаков):

жаҳон ва ички бозорда нарх ва талаб конъюнктураси, ишлаб чиқариш ва тақсимот балансларидан келиб чиқиб, экспорт прогнозининг йиллик умумий кўрсаткичларини сақлаган ҳолда экспорт прогноз кўрсаткичларига ўзгартириш киритиш;

инвестиция дастурларига уларнинг умумий параметрлари ҳамда кўрсаткичларини сақлаган ҳолда тузатиш, қўшимча ва ўзгартиришлар киритиш;

олий даражадаги ташрифлар давомида имзоланган ҳужжатларни амалга ошириш юзасидан тасдиқланган “йўл хариталари” ҳамда халқаро молия институтлари ва хорижий ҳукумат молия ташкилотлари билан ҳамкорлик бўйича “йўл хариталари”га ўзгартириш ва қўшимчалар киритиш ваколатлари берилсин.

Бунда, олий даражадаги ташрифлар давомида имзоланган ҳужжатларни амалга ошириш юзасидан тасдиқланган “йўл хариталари”, шунингдек халқаро молия институтлари ва хорижий ҳукумат молия ташкилотлари билан ҳамкорлик бўйича “йўл хариталари”нинг умумий кўрсаткичларини ўзгартириш Ҳукумат комиссияси (С. Умурзаков) томонидан Ўзбекистон Республикаси Президенти Администрацияси билан келишилган ҳолда амалга оширилади.

#### 5. Ҳукумат комиссияси:

белгиланган вазифаларнинг сифатли ва ўз вақтида бажарилишини ўрганиш учун доимий равишда республика вилоятларига ташрифларни амалга ошириб борсин;

ҳар чоракда Ўзбекистон Республикаси Президенти Администрациясига мазкур Фармоннинг 2-бандида назарда тутилган вазифаларнинг бажарилиши юзасидан ахборот киритиб борсин.

**6. Ўзбекистон Республикаси Бош вазирининг ўринбосари С. Умурзаков Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари** билан биргаликда икки ой муддатда ҳар бир ҳудудда ишлаб чиқаришни кенгайтириш, рақобатдош маҳсулот чиқаришда илм-фан, инновация, лойиҳалаштириш, молия, инжиниринг ва инвестиция ташкилотларини ўз ичига олган “саноат кластерлари”ни ташкил этиш дастурини киритсин.

**7. Ўзбекистон Республикаси Бош вазирининг ўринбосарлари С. Умурзаков ва Ж. Қўчқоров:**

**иқтисодиёт тармоқлари ва ҳудуд раҳбарлари** билан биргаликда **ҳар ҳафта** саноатдаги ишлар ҳолатини муҳокама қилиб, муаммоларни ечиб борсин;

**Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари** билан биргаликда **бир ҳафта** муддатда саноат ва инвестиция бўйича барча кўрсаткичларни қайта ҳисоб-китоб қилиб, **корхонабай иш режасини** тасдиқласин ҳамда ижроси устидан қатъий назорат ўрнатсин.

**8. Иқтисодиёт тармоқлари раҳбарлари бир ой муддатда ҳудудларга чиққан ҳолда, саноат корхоналарида ишлаб чиқариш режасини кафолатли таъминлаш ва инвестиция лойиҳаларини якунлаш учун зарур чора-тадбирларни ишлаб чиқсин.**

**Қорақалпоғистон Республикаси Вазирлар Кенгashi, вилоятлар ва Тошкент шаҳар ҳокимликлари бир ҳафтада барча саноат корхоналари бўйича ишлаб чиқариш дастурларини тасдиқласин ва ижросини қатъий назоратга олсин ҳамда ҳар чорак якуни бўйича дастурлар ижроси натижалари тўғрисида Ҳукумат комиссиясига ахборот киритиб борсин.**

**9. Вазирлар Маҳкамаси тузилмасида ходимларнинг чекланган сони 18 нафар бўлган Инвестиция лойиҳаларининг амалга оширилиши ва ташқи савдони мониторинг қилиш инспекцияси** (кейинги ўринларда – Инспекция) ташкил этилсин.

**10. Инспекция зиммасига Ҳисоб палатасининг:**

Ўзбекистон Республикаси Президентининг олий даражадаги ташрифлари давомида имзоланган ҳужжатлари ижросини назорат қилиш;

стратегик корхоналар иштирокидаги инвестиция лойиҳаларининг тўлиқ ва ўз вақтида бажарилиши устидан назоратни ташкил этиш;

маҳаллийлаштириш жараёнини янада такомиллаштириш, бюджет ташкилотлари, бюджет маблағларини олувчилар ва мониторинг юритиладиган корхоналар томонидан импорт қилинган маҳсулотларнинг асосланганлигини ўрганиш бўйича функциялари юклансин.

**Белгилансинки:**

Инспекция штат бирликлари Ўзбекистон Республикаси Ҳисоб палатаси тузилмасидаги Стратегик корхоналар иштирокидаги инвестиция лойиҳалари ижросини мониторинг ва назорат қилиш шўъбасининг 7 та ҳамда Олий даражадаги ташрифлар якунлари бўйича эришилган келишувлар ижросини назорат қилиш ва унга кўмаклашиш шўъбасининг 11 та штат бирликларини қисқартириш ҳисобидан шакллантирилади;

Инспекция фаолияти мазкур Фармонга мувофиқ тасдиқланаётган Ҳукумат комиссияси томонидан мувофиқлаштирилади.

11. Ҳисоб палатаси ҳамда Ахборот технологиялари ва коммуникацияларини ривожлантириш вазирлиги бир ой муддатда Ўзбекистон Республикаси Президентининг олий даражадаги ташрифлари давомида имзоланган ҳужжатларнинг ҳамда стратегик корхоналар иштирокидаги инвестиция лойиҳаларининг тўлиқ ва ўз вақтида бажарилиши устидан назоратни ташкил этиш ҳамда амалга ошириш доирасида Инспекциянинг "**Ijro.gov.uz**" ижро интизоми идоралараро ягона электрон тизимидан фойдаланиши имкониятини яратсин.

12. Вазирлар Маҳкамаси бир ой муддатда:

Экспорт ва инвестицияларни ривожлантириш масалалари бўйича Ҳукумат комиссияси тўғрисидаги низомни;

Инвестиция лойиҳаларининг амалга оширилиши, импорт ва ташқи савдони мониторинг қилиш инспекцияси тўғрисидаги низомни ҳамда унинг тузилмасини тасдиқласин.

13. Қуйидагиларга:

**инвестициялар ва ташқи савдо вазирининг биринчи ўринбосарлари А. Воитов ва Л. Кудратов зиммасига** – Ҳукумат комиссиясининг фаолиятини самарали ташкил этиш, экспорт прогноз кўрсаткичлари, Инвестиция дастурларининг умумий параметрлари ҳамда олий даражадаги ташрифлар давомида имзоланган ҳужжатларни амалга ошириш юзасидан тасдиқланган “йўл хариталари” ижросини таъминлаш, шунингдек ҳалқаро молия институтлари ва хорижий ҳукумат молия ташкилотлари билан ҳамкорлик қилиш бўйича масъул вазирлик, идора ва хўжалик бирлашмалари, тижорат банклари ҳамда Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари фаолиятини умумий мувофиқлаштириш;

**иқтисодий тараққиёт ва камбағалликни қисқартириш вазирининг ўринбосари О. Рустамов зиммасига** – ишлаб чиқаришни маҷаллийлаштириш ва саноатда кооперация алоқаларини кенгайтириш масалалари бўйича ҳоким ёрдамчиларининг фаолиятини самарали ташкил этиш ҳамда мамлакатда ишлаб чиқарилаётган товарларнинг электрон кооперация порталига тўлиқ жойлаштириб борилишини таъминлаш, мазкур порталда савдо ҳажмларини кескин ошириш чораларини кўриш;

**Бош прокурорнинг ўринбосари С. Сайдкаримов зиммасига** – Ҳукумат комиссияси томонидан берилган топшириқларнинг масъул вазирлик, идора ва хўжалик бирлашмалари, тижорат банклари, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари томонидан ўз вақтида ва сифатли ижро этилишини назорат қилиш;

**молия вазирининг биринчи ўринбосари О. Насритдинходжаев зиммасига** – Хукумат комиссияси фаолияти доирасида маҳаллий экспорт қилувчи корхоналар ва лойиҳа ташаббускорларини молиявий қўллаб-қувватлаш бўйича қонунчиликда белгиланган чоратадбирларни молиялаштириш, шу жумладан Ўзбекистон Республикаси Давлат бюджетидан зарур маблағларни ўз вақтида ва тўлиқ ажратилишини таъминлаш;

**ташқи ишлар вазирининг биринчи ўринбосари Ф. Арзиев зиммасига** – хорижий давлатлар билан иқтисодий дипломатияни кенгайтириш, Ўзбекистон Республикасининг хорижий давлатлардаги ваколатхоналари томонидан мамлакатнинг экспорт ва инвестиция салоҳиятини ривожлантириш бўйича амалга оширилаётган ишларни мувофиқлаштириш;

**Марказий банк раисининг ўринбосари Б. Абубакиров зиммасига** – тижорат банклари томонидан экспорт қилувчи корхоналарга айланма маблағларни шакллантириш бўйича зарур кредит маблағларини ажратиш, шунингдек, инвестиция лойиҳалари ҳамда олий даражадаги ташрифлар давомида имзоланган хужжатларни амалга ошириш юзасидан тасдиқланган “йўл хариталари”да белгиланган тадбирларни ўз вақтида молиялаштиришни мувофиқлаштириш;

**Давлат божхона қўмитаси раиси ўринбосари М. Салиев зиммасига** – мамлакатнинг экспорт салоҳиятини ривожлантиришда божхона тартиб-таомилларини янада соддалаштириш, ушбу йўналишга замонавий ахборот-коммуникация технологияларини кенг жалб этиш;

**Давлат солиқ қўмитаси раиси ўринбосари А. Файзибаев зиммасига** – экспорт қилувчи корхоналар, инвестиция лойиҳалари ташаббускорларига тақдим этилган солиқ имтиёзларини самарали қўлланилишини таъминлаш, шунингдек маҳаллий экспорт қилувчи корхоналарга қўшилган қиймат солиғи тўловларини ўз вақтида қайтарилишини ташкил этиш;

**“Ўзстандарт” агентлиги бош директори Д. Саттаров зиммасига** – маҳаллий экспорт қилувчи корхоналар ҳамда инвестиция лойиҳалари ташаббускорларига замонавий халқаро стандартларни жорий этишда қўмаклашиш, маҳаллий маҳсулотларни экспорт қилишда ташқи бозорларда техник жиҳатдан тартибга солиш соҳасидаги тўсиқларни аниқлаш ва бартараф этиш;

**Вазирлар Маҳкамаси ҳузуридаги Ўсимликлар карантини давлат инспекцияси бошлиғи И. Эргашев зиммасига** – маҳаллий маҳсулотларни экспорт қилишда ташқи бозорлардаги фитосанитария чекловларини бартараф этиш юзасидан таклифлар ишлаб чиқиш;

**“Ўзбекистон Республикаси Ташқи иқтисодий фаолият миллий банки” АЖ бошқаруви раиси А. Мирсоатов, “Ўзсаноатқурилишбанк” АТБ бошқаруви раиси С. Аннакличев ва “Асака” АТБ бошқаруви раиси Н. Сайдуллаев зиммасига** - мамлакатнинг экспорт ва инвестиция салоҳиятини янада кенгайтиришга қаратилган тадбирлар ҳамда рақобатбардош лойиҳаларни амалга оширишда кўмаклашиш юзасидан шахсий жавобгарлик юклансин.

14. Ўзбекистон Республикаси Ҳисоб палатаси икки ҳафта муддатда мазкур Фармон талаблари ҳамда давлат харидлари, давлат мулкини бошқариш жараёнларининг қонунийлигини ва давлат қарзи ҳисобига молиялаштирилган лойиҳаларни аудит қилиш вазифалари юклатилганлигидан келиб чиқиб, Ҳисоб палатаси фаолиятини такомиллаштириш юзасидан таклиф киритсин.

15. Ўзбекистон Республикаси Президентининг айрим ҳужжатларига 2-иловага мувофиқ ўзгартиришлар ва қўшимча киритисин.

16. Вазирлар Маҳкамасининг 2019 йил 11 сентябрдаги “Худуд ва тармоқларда экспорт салоҳиятини ривожлантириш масалалари бўйича доимий ишловчи Республика комиссиясини ташкил этиш тўғрисида”ги 758-сон қарори ўз кучини йўқотган деб ҳисоблансин.

17. Инвестициялар ва ташқи савдо вазирлиги манфаатдор вазирлик ва идоралар билан биргаликда бир ой муддатда қонун ҳужжатларига ушбу Фармондан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин.

18. Мазкур Фармоннинг ижросини назорат қилиш Ўзбекистон Республикасининг Бош вазири А.Н. Арипов ва Ўзбекистон Республикаси Президентининг маслаҳатчиси Р.А. Гулямов зиммасига юклансин.

**Ўзбекистон Республикаси  
Президенти**

Тошкент шаҳри



**Ш.Мирзиёев**

Ўзбекистон Республикаси Президентининг  
2020 йил 18 августдаги ПФ-6042-сон Фармонига  
1-илова

**Экспорт ва инвестицияларни ривожлантириш масалалари бўйича  
Хукумат комиссияси  
ТАРКИБИ**

- |                          |   |
|--------------------------|---|
| 1. С.У. Умурзаков        | - Ўзбекистон Республикаси Бош вазирининг инвестициялар ва ташқи иқтисодий алоқалар масалалари бўйича ўринbosари – инвестициялар ва ташқи савдо вазири, <i>Хукумат комиссияси раиси ўринbosари</i> |
| 2. А.Б. Воитов           | - Ўзбекистон Республикаси инвестициялар ва ташқи савдо вазирининг биринчи ўринbosари, <i>Хукумат комиссияси раиси ўринbosари</i>  |
| 3. О.Б. Рустамов         | - Ўзбекистон Республикаси иқтисодий тараққиёт ва камбағалликни қисқартириш вазирининг ўринbosари, <i>Хукумат комиссияси раиси ўринbosари</i>  |
| 4. С.С. Сайдкаримов      | - Ўзбекистон Республикаси Бош прокурорининг ўринbosари, <i>Хукумат комиссияси раиси ўринbosари</i>  |
| 5. Ф.Ж. Рахимов          | - Вазирлар Маҳкамасининг Инвестициялар, экспортни кўллаб-куватлаш ва ташқи иқтисодий алоқалар масалалари котибияти мудири, <i>Хукумат комиссияси раиси ўринbosари</i>                             |
| 6. А.Р. Жуманазаров      | - Вазирлар Маҳкамасининг Саноат ва унинг базавий тармоқларини ҳамда кооперация алоқаларини ривожлантириш масалалари департаменти бошлиғининг ўринbosари   |
| 7. О.З. Насритдинходжаев | - Ўзбекистон Республикаси молия вазирининг биринчи ўринbosари   |
| 8. Л.Ш. Кудратов         | - Ўзбекистон Республикаси инвестициялар ва ташқи савдо вазирининг биринчи ўринbosари  |
| 9. Ф.Н. Арзиев           | - Ўзбекистон Республикаси ташқи ишлар вазирининг биринчи ўринbosари   |
| 10. И.Р. Махкамов        | - Ўзбекистон Республикаси транспорт вазирининг биринчи ўринbosари вазифасини бажарувчи  |
| 11. Н.К. Холмуродов      | - Ўзбекистон Республикаси инвестициялар ва ташқи савдо вазирининг ўринbosари  |
| 12. Ш.А. Вафаев          | - Ўзбекистон Республикаси инвестициялар ва ташқи савдо вазирининг ўринbosари, Тикланиш ва тараққиёт жамғармасининг ижро этувчи директори  |
| 13. Б.Ю. Абубакиров      | - Ўзбекистон Республикаси Марказий банки раисининг ўринbosари   |

- |                     |  |
|---------------------|--|
| 14. М.О. Салиев     | - Ўзбекистон Республикаси Давлат божхона қўмитаси раиси ўринbosари   |
| 15. А.Э. Файзибаев  | - Ўзбекистон Республикаси Давлат солиқ қўмитаси раиси ўринbosари   |
| 16. Д.Н. Саттаров   | - “Ўзстандарт” агентлиги бош директори   |
| 17. Т.Н. Набиев     | - Давлат активларини бошқариш агентлиги директори ўринbosари вазифасини бажарувчи  |
| 18. И.К. Эргашев    | - Вазирлар Маҳкамаси хузуридаги Ўсимликлар карантини давлат инспекцияси бошлиғи  |
| 19. А.К. Мирсоатов  | - “Ўзбекистон Республикаси Ташқи иқтисодий фаолият миллий банки” АЖ бошқаруви раиси  |
| 20. С.С. Аннакличев | - “Ўзсаноатқурилишбанк” АТБ бошқаруви раиси  |
| 21. Н.Н. Сайдуллаев | - “Асака” АТБ бошқаруви раиси  |
| 22. Ж.Ш. Авезов     | - Вазирлар Маҳкамасининг Инвестициялар, экспортни қўллаб-кувватлаш ва ташқи иқтисодий алоқалар масалалари котибияти мудирининг ўринbosари, Ҳукумат комиссияси котиби |

### **Изоҳ.**

Зарур ҳолларда Ҳукумат комиссияси таркибига вазирликлар, идоралар, хўжалик бирлашмалари ва тижорат банкларининг раҳбарлари қўшимча равишда жалб этилиши мумкин.

Ҳукумат комиссияси аъзолари бошқа ишга ўтган тақдирда унинг таркибига ушбу лавозимга янгидан тайинланган ёки зиммасига тегишили функцияларни бажариш юкланган шахслар киритилади.

Ўзбекистон Республикаси Президентининг  
2020 йил 18 августдаги ПФ-6042-сон Фармонига  
2-илова

## Ўзбекистон Республикаси Президентининг айрим ҳужжатларига киритилаётган ўзгартиришлар ва қўшимча

**1.** Ўзбекистон Республикаси Президентининг 2018 йил 30 октябрдаги “Олий даражадаги ташрифлар давомида имзоланган ҳужжатларни, шунингдек, стратегик аҳамиятга эга хўжалик жамиятлари ва корхоналар иштирокидаги инвестиция лойиҳаларини амалга ошириш самарадорлигини янада кучайтириш чора-тадбирлари тўғрисида”ги ПФ-5565-сон Фармонида:

а) 1-2-бандлар ўз кучини йўқотган деб топилсин;

б) 3-банднинг тўртинчи – олтинчи хатбошилари қуйидаги таҳрирда баён этилсин:

“Ўзбекистон Республикаси Вазирлар Маҳкамасининг Инвестициялар, экспортни қўллаб-қувватлаш ва ташқи иқтисодий алоқалар масалалари котибиятининг Инвестиция лойиҳаларининг амалга оширилиши ва ташқи савдони мониторинг қилиш инспекцияси (кейинги ўринларда – Инспекция) Ўзбекистон Республикаси Вазирлар Маҳкамаси қарорида назарда тутилган ташкилий тадбирларнинг ўз вақтида ижро қилиниши устидан назорат ўрнатади;

олий даражадаги ташрифлар давомида имзолаш учун ҳужжатлар лойиҳалари ташриф бошланишидан бир ой аввал Инспекция билан бирга батафсил кўриб чиқилганидан сўнг Вазирлар Маҳкамаси томонидан Ўзбекистон Республикаси Президенти Администрациясига киритилади.

Инспекция ҳар ойда олий даражадаги ташрифлар давомида имзоланган ҳужжатлар ва стратегик корхоналар иштирокидаги инвестиция лойиҳалари ижросининг бориши тўғрисида Ўзбекистон Республикаси Президенти Администрациясига ахборот киритади”;

в) 4-банд ўз кучини йўқотган деб топилсин;

г) 5-бандда:

биринчи хатбошидаги “Ўзбекистон Республикаси Ҳисоб палатаси” сўзлари “Инспекция” сўзи билан алмаштирилсин;

олтинчи хатбоши чиқариб ташлансин;

еттинчи-саккизинчи хатбошилар тегишинча олтинчи-еттинчи хатбошилар деб ҳисоблансин;

олтинчи хатбоши қуйидаги таҳрирда баён этилсин:

“Ўзбекистон Республикаси Инвестициялар ва ташқи савдо вазирлиги билан – олий даражадаги ташрифлар якунлари бўйича ишлаб чиқиладиган ва амалга ошириладиган аниқ инвестиция лойиҳалари, халқаро молия институтларининг қарзлари, кредитлари, техник кўмак маблағларини (грантларини) жалб қилиш ҳамда хорижий мамлакатлар ва халқаро ташкилотлар билан савдо-иқтисодий ҳамкорлик масалалари юзасидан”;

д) 6-банднинг биринчи хатбошидаги “Ўзбекистон Республикаси Ҳисоб палатаси, Вазирлар Маҳкамаси ва Бosh прокуратураси” сўzlари “Инспекция ва Ўзбекистон Республикаси Бosh прокуратураси” сўzlари билан алмаштирилсин;

е) 7-банд қуйидаги таҳрирда баён этилсин:

“7. Ўзбекистон Республикаси Ташқи ишлар вазирлиги, Инвестициялар ва ташқи савдо вазирлиги ва бошқа мастьул идоралар олий даражадаги ташрифлар давомида имзоланган ҳужжатлар ва стратегик корхоналар иштирокидаги инвестиция лойиҳалари бўйича, шу жумладан уларнинг ижро ҳолати тўғрисида маълумотлар базасини шакллантириш учун “Ijro.gov.uz” тизимига интеграция қилиш имконияти мавжуд бўлган электрон материалларни Инспекцияга тақдим этиб борсин”;

ж) 9-бандда:

иккинчи хатбошидаги “Ўзбекистон Республикаси Ҳисоб палатаси раиси (Икрамов)га” сўzlари “Инспекцияга” сўзи билан алмаштирилсин;

учинчи ва тўртинчи хатбошилар қуйидаги таҳрирда баён этилсин:

“Ўзбекистон Республикаси Ташқи ишлар вазирлиги (Камилов), Инвестициялар ва ташқи савдо вазирлиги (Кудратов) ва бошқа манфаатдор вазирликлар раҳбарларига - олий даражадаги ташрифлар давомида имзоланган ҳужжатларда аввалдан қўйилган мақсадларга эришиш ва амалга ошириш бўйича кўтарилилган масалаларни ва юзага келган муаммоларни ҳал қилишга қаратилган вазифалар ижроси натижаларини ўз вақтида ва сифатли тақдим этиш учун;

вазирлик ва идораларга – олий даражадаги ташрифлар давомида имзолаш учун ҳужжатлар лойиҳаларини сифатли ишлаб чиқиш, шунингдек, Инспекцияга ушбу Фармонга мувофиқ материалларни ўз вақтида, асослантирилган ҳолда ва тўлиқ тақдим этиш учун”;

з) 1-илова ўз кучини йўқотган деб топилсин.

**2.** Ўзбекистон Республикаси Президентининг 2019 йил 14 майдаги “Ўзбекистон Республикаси Инвестиция дастурини шакллантириш ва амалга оширишнинг сифат жиҳатидан янги тизимига ўтиш чора-тадбирлари тўғрисида”ги ПФ-5717-сон Фармони 15-бандидан иккинчи хатбоши чиқариб ташлансин.

**3. Ўзбекистон Республикаси Президентининг 2020 йил 9 январдаги “Ўзбекистон Республикасининг 2020–2022 йилларга мўлжалланган Инвестиция дастурини амалга ошириш чора-тадбирлари тўғрисида”ги ПҚ-4563-сон қарори 3-банди қуидаги таҳрирда баён этилсин:**

“3. Белгилансинки, Ўзбекистон Республикаси номидан ёки кафолати остида ташқи қарзни жалб этиш бўйича 2020 йилда янги имзоланадиган шартномалар доирасида жалб қилинадиган маблағлар ҳисобидан молиялаштириладиган лойиҳалар “2020 йил учун Ўзбекистон Республикасининг Давлат бюджети тўғрисида”ги Ўзбекистон Республикаси Конунида белгиланган чегаравий ҳажмлар доирасида аниқланади”.

**4. Ўзбекистон Республикаси Президентининг 2020 йил 12 майдаги “Ўзбекистон Республикаси Вазирлар Маҳкамасининг фаолиятини такомиллаштиришга оид қўшимча чора-тадбирлар тўғрисида”ги ПҚ-4710-сон қарорида:**

- а) 2-банддаги “241” рақами “261” рақами билан алмаштирилсин;
- б) иловада:

“Инвестициялар, экспортни қўллаб-қувватлаш ва ташқи иқтисодий алоқалар масалалари котибияти 20” блокидан кейин “Инвестиция лойиҳаларининг амалга оширилиши ва ташқи савдони мониторинг қилиш инспекцияси 18” блок билан тўлдирилсин;

изоҳдаги “244” ва “48” рақамлари тегишинча “261” ва “49” рақамлари билан алмаштирилсин.

